

Umiarsualiviit pillugit Inatsisartut Inatsisaanniit Umiarsualiviit atortulersuutitallit imartallillu mininneqarnissaat pillugu Namminersorlutik Oqartussat nalunaarutaat

Umiarsualiviit pillugit Inatsisartut inatsisaanni nr. 9, 3. juni 2015-imeersumi § 1, imm. 2 naapertorlugu aalajangersarneqarpoq:

§ 1. Umiarsualiviit atortulersuutitallit imartallillu suliffeqarfimmit ataatsimit pigineqarlutik ingerlanneqartullu umiarsualivimmi suliffeqarfimmik ingerlatsinissamik siunertaqanngitsut aammalu taassuma nammineq inuussutissarsiutitigut soqutigisaanik siunertaqarluni taamaallaat ingerlanneqartut Umiarsualiviit pillugit Inatsisartut inatsisaanni mininneqarput.

Imm. 2. Imm. 1 naapertorlugu umiarsualiviit atortulersuutitallit imartallillu inunnit imaluunniit sakkutut imarsiortut ilisimasassarsiorantuinit assartugassanik allamit pigineqartunik inuussutissarsiutigalugu assartuinermut atorneqarsimappata imaluunniit umiarsualivik atortulersuutitalik imartallillu inuussutissarsiutinut atatillugu allamit tikiffigineqarpat imm. 1 malillugu mininneqarneq atorunnaassaaq.

§ 2. Umiarsualiviit atortulersuutitallit imartallillu suliffeqarfimmit ataatsimit nunami tunisassiornermik tunngaveqarluni pigineqartoq ingerlanneqartorlu aammalu aalisakkanik suliffeqarfiup pilersuinissaanut tunisassiornissamut pingaarnertigut atorneqartoq Umiarsualiviit pillugit Inatsisartut inatsisaanni mininneqarpoq.

§ 3. Umiarsualiviit talittarfittut puttasutut pilersitat atortulersuutinik imartanillu ilallit pingaarnertigut tikittarnernut, orsorsortarnernut aammalu umiatsiaaqqa sunngiffimilu angallatit pituttortarnerannut ilusilersugaasut atorneqartullu Umiarsualiviit pillugit Inatsisartut inatsisaanni mininneqarput.

Imm. 2. Umiarsualiviit talittarfittut puttasutut pilersitat atortulersuutinik imartanillu ilallit pingaarnertigut tikittarnernut, orsorsortarnernut aammalu angallatit amerlanerpaamik 12-nik ilaasoqarluni angallassisarnissanut ilusilersugaasut atorneqartullu Umiarsualiviit pillugit Inatsisartut inatsisaanni mininneqarput.

Imm. 3. Angallatinik nunani tamalaani angalasunik tikinneqartarneq umiarsualivinni atortulersuutitalinni imartalinnilu imm. 1 aamma 2-mi taaneqartuni inerteqqutaavoq.

Imm. 4. Umiarsualiviit imm. 1-imi imaluunniit imm. 2-mi ilaatinneqartut 100 meteri qaangerlugu takissuseqaqqusaanngillat.

Imm. 5. Imm. 1 aamma 2 naapertorlugin umiarsualiviit atortulersuutitallit imartallillu inunnit angallatinik ilaasussat 12-t sinnerlugit ilaasoqarsinnaallutik akuerineqartunik inuussutissarsiutigalugu assartuisarnissamut

atorneqarsimappata imaluunniit angallatinik nunani tamalaani angalaartunik tikiffingineqarsimappata imaluunniit 100 meteri qaangerlugu takissuseqarsimappata imm. 1 imaluunniit 2 malillugit mininneqarneq atorunnaassaaq.

§ 4. Naalakkersuisut allatut aalajangiisimanngippata §§ 1-4 malillugit minitaasарneq atorunnaassaaq, tassalu umiarsualiviit atortulersuutitallit imartallillu §§ 1-4 malillugit mininneqarnissamut piumasaqaatinut akerliullutik atorneqarsimappata.

§ 5. Nalunaarut atortussanngortitsinermi atuutilersinnejassaaq.

Namminersorlutik Oqartussat, ulloq 3. januaari 2025

Hans Peter Poulsen (atsior.)

Ineqarnermut Attaveqaasersuutinullu Naalakkersuisoq

/ Ruth Lindhardt (atsior.)

Namminersorlutik Oqartussat

Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut